

Na osnovu člana 63. Kolektivnog ugovora za državne službenike i namještenike u organima uprave i sudske vlasti u Tuzlanskom kantonu („Službene novine Tuzlanskog kantona“ broj: 7/17) i Sporazuma o produženju važenja Kolektivnog ugovora („Službene novine Tuzlanskog kantona“ broj: 7/18) Sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kojeg zastupa predsjednik Samir Kurtović i Vlada Tuzlanskog kantona, koju zastupa ministrica pravosuđa i uprave Ivana Kulić, uz saglasnost Općine Živinice, Općine Srebrenik, Općine Kalesija, Općine Sapna, Općine Teočak, Općine Doboj Istok, Općine Lukavac, Općine Kladanj i Općine Gradačac, dana 25.07.2018. godine, zaključili su i potpisali u Tuzli

ANEKS II

Kolektivnog ugovora za državne službenike i namještenike u organima uprave i sudske vlasti u Tuzlanskom kantonu

Član 1.

Član 13. Kolektivnog ugovora za državne službenike i namještenike u organima uprave i sudske vlasti u Tuzlanskom kantonu („Službene novine Tuzlanskog kantona“, broj: 7/17 i 7/18), mijenja se i glasi:

„ (1) Državni službenik i namještenik ima pravo koristiti jedan dan godišnjeg odmora u vrijeme koje sam odredi, ali je dužan o tome obavijestiti rukovodioca organa državne službe, najkasnije tri dana prije njegovog korištenja.

(2) Izuzetno, državni službenik i namještenik može obavijestiti rukovodioca organa državne službe najkasnije jedan dan prije ili na dan korištenja jednog dana godišnjeg odmora, uz obrazloženje i u opravdanim slučajevima.“


Član 2.

Ovaj Aneks Kolektivnog ugovora stupa na snagu danom potpisivanja.

Član 3.

Ovaj Aneks Kolektivnog ugovora će biti objavljen u „Službenim novinama Tuzlanskog kantona“ i službenim glasilima općina koje su dale saglasnost na Aneks.

**SINDIKAT DRŽAVNIH SLUŽBENIKA
I NAMJEŠTENIKA U ORGANIMA
DRŽAVNE SLUŽBE, SUDSKOJ VLASTI
I JAVNIM USTANOVAMA U FEDERACIJI
BOSNE I HERCEGOVINE
PREDSJEDNIK**


Samir Kurtović

Broj: 01-IV-533 /18

Tuzla, 25.07 .2018. godine



**TUZLANSKI KANTON
VLADA**

**MINISTRICA PRAVOSUĐA I
UPRAVE**


Ivana Kulić

Broj: 02/1-05-18261-1/18

Tuzla, 25.07.2018. godine

